

Reglur um kynningar, auglýsingar og gjafir í skóla- og frístundastarfi í Fjarðabyggð

Leiðarljós

„Börn skulu hafa aðgang að innlendum og erlendum upplýsingum og öðru efni sem stuðlar að alhliða þroska þeirra og sem þau njóta góðs af félagslega og menningarlega. Aðildarríkjum ber jafnframt skylda til að vernda börn fyrir efni sem skaðað getur velferð þeirra.“

(Barnasáttmáli Sameinuðu þjóðanna, 17. gr. lögfestur hér á landi 20. febrúar 2013)

„Engar auglýsingar skulu vera í grunnskólum eða leikskólum né önnur markaðssókn. Kynning á æskulýðs-, íþróttá- og tómskundastarfsemi sveitarfélaga er þó heimil.“

(Leiðbeinandi reglur um neytendavernd barna, Umboðsmaður barna og Talsmaður neytenda, 2009)

„Mikilvægt er að skólar byggi upp virk tengsl við nærsamfélag sitt og stuðli þannig að jákvæðum samskiptum og samstarfi við einstaklinga, félagasamtök, fyrirtæki og stofnanir.“

(Aðalnámskrá grunnskóla, 2011)

„Starfshættir leikskóla eiga að hvetja til samvinnu og samstarfs milli barna, starfsfólks, foreldra og nærsamfélags.“ *(Aðalnámskrá leikskóla, 2011)*

Gildissvið og markmið

Reglurnar gilda um kynningar, auglýsingar og gjafir í skóla- og frístundastarfi í Fjarðabyggð.

Markmið reglnanna er að vernda börn gegn auglýsingum og markaðssókn í skóla- og frístundastarfi:

- þó án þess að takmarka að foreldrar og börn hafi aðgang að upplýsingum um æskulýðs-, íþróttá- og tómskundastarfsemi sem stuðlar að alhliða þroska og velferð barna.
- þó án þess að banna að börn fái afhenta hluti samkvæmt ákvörðun stjórnanda og notaðir eru við fræðslu og forvarnir í starfseminni.

1. gr. Kynningar á æskulýðs-, íþróttá- og tómskundastarfi

Kynningar til barna og unglunga á æskulýðs-, íþróttá- og tómskundastarfi sem hluti af námi eru heimilar í skipulögðu skóla- og frístundastarfi í samráði við stjórnendur og starfsfólk.

Stærri og skipulagðar kynningar til barna og foreldra á úrvali æskulýðs-, íþróttá- og tómskundatilboða fyrir börn og unglunga í viðkomandi byggðarkjarna, geta farið fram innan skóla eða frístundamiðstöðva á starfstíma þeirra. Foreldraráð leikskóla og skólaráð grunnskóla taka þátt í að móta stefnu skóla um fyrirkomulag kynninga og tengsl skóla við grenndarsamfélagið í samstarfi við foreldrafélög, nemendafélög og hagsmunaaðila í nærsamfélaginu, t.d. íbúasamtök, íþróttafélög og félagasamtök. Upplýsingum um tímasetningar og kostnað vegna æskulýðs-, íþróttá- og tómskundatilboða skal beina til foreldra en ekki barnanna.

2. gr. Upplýsingar um æskulýðs-, íþróttá- og tómskundastarf

Aðilar sem bjóða æskulýðs-, íþróttá- og tómskundastarf fyrir börn og unglunga geta komið upplýsingum á framfæri á vef sveitarfélagsins www.fjardabyggd.is þar sem veittar eru upplýsingar um frístundatilboð, m.a. eftir aldri, efnisflokkum, tímabili og byggðarkjörnum.

3. gr. Auglýsingar

Auglýsingar sem beint er til barna og unglinga eru eingöngu leyfðar innan starfstöðva fjölskyldusviðs þegar þær tengjast með beinum hætti starfsemi á vegum sviðsins, starfstöðvum þess eða samstarfsverkefnum sem starfstöðvar Fjarðabyggðar eru þátttakendur í. Þessar auglýsingar geta t.d. verið í formi veggspjalda, bæklinga, upplýsinga á heimasíðum starfsstöðva eða tilkynninga til foreldra í gegnum Mentor.

4. gr. Gjafir til starfstöðva fjölskyldusviðs

Gjafir til starfstöðva fjölskyldusviðs frá utanaðkomandi aðilum, t.d. fyrirtækjum, félagasamtökum og stofnunum má þiggja ef stjórnandi telur þær hafa fræðslu- og forvarnagildi og samræmast stefnu fjölskyldusviðs. Sem dæmi má nefna tölvur, leikföng, spil og öryggisvesti til notkunar í vettvangsferðum, tannbursta, sólmyrkvagleraugu o.s.frv., til notkunar við fræðslu og forvarnir. Framangreint er háð því að hlutirnir uppfylli staðla um öryggi þeirra. Starfstöðvar geta greint frá gjöfum af þessu tagi á vefsíðu sinni, í fréttabréfi og/eða með tölvupósti til foreldra.

5. gr. Gjafir til barna

Óheimilt er að dreifa gjöfum, sem ætlaðar eru börnum til einkaeignar, í skipulögðu skóla- og frístundastarfi. Hafi stjórnandi heimilað afhendingu hluta sem nota á við fræðslu og forvarnir í starfseminni sbr. 4. gr. er heimilt að börn fái þá til eignar. Stjórnanda er heimilt í samráði við foreldraráð leikskóla eða skólaráð grunnskóla og foreldrafélög að veita utanaðkomandi aðilum leyfi til að nýta húsnæði starfstöðvarinnar eftir að formlegu starfi lýkur til að dreifa gjöfum sem ætlaðar eru börnum til einkaeignar í fræðslu og forvarnaskyni. Beina skal tilkynningum um það til foreldra. Stjórnandi fjalli árlega í foreldraráði leikskóla og skólaráði grunnskóla um beiðnir um afhendingu gjafa til barna skv. framangreindu. Miða skal við að börnum séu ekki gefnar auglýsingavörur í vettvangsferðum til atvinnulífsins.

Fjarðabyggð 31. ágúst 2018



Karl Ottar Pétursson
bæjarstjóri

Samþykkt í fræðslunefnd 15. ágúst 2018

Samþykkt í íþrótt- og tómstundanefnd 21. ágúst 2018

Samþykkt í bæjarráði 28. ágúst 2018

Samþykkt í bæjarstjórn 30. ágúst 2018